





路史國名記

目錄

卷甲

太昊後風姓國

炎帝後姜姓國

黃帝後姬姓國

黃帝之宗

卷乙

帝鴻後釐姓國

少昊青陽氏後

路史



少昊後國

少昊後偃姓國

少昊後嬴姓國

少昊後李姓國

卷丙

高陽氏後

高辛氏後

卷丁

陶唐氏後

有虞氏後

夏后氏後

商氏後

卷戊

周氏後

卷戊

周氏世封

周氏族卿

燕召之屬

周之餘族

卷巳



古國

上古帝王之世

三皇世侯伯國

五帝世侯伯國

卷已二

夏世侯伯國

商世侯伯國

卷已三

周世侯伯國

上世帝王妃后國

古亡國

卷已四

雜國上

雜國下

卷信

漢封建國

漢王子國

東漢同姓侯王

東漢異姓侯

封建後論



究言

歸愚子大衍數

大衍說

四象說

國姓衍慶紀原

國名記目錄終

路史國名記

卷中

宋廬陵羅

泌纂

男 莘註

明廣陵喬可傳校

列土分茅自有民始矣秦失其猷而後世弗復知封建之有大便於君民也季氏將伐顓臾冉有季路問於孔子子曰求亡乃爾是過歟夫顓臾昔者先王以爲東蒙主且在邦國之中矣是社稷之臣也何以伐爲丘也聞有國有家者不患寡而患不均不患貧而患不安讀之至此泫然流涕曰夫子不以是責由而



責求且自名焉曷其思之泌也生今之世學古之道  
邇因祖述而著路史視帝王之後世祚衍天下至數  
千百年澤未艾也而魯一顓臾冉氏之子不能容之  
顧不謂大哀乎嗟乎號之不愛則其於虞也何有聖  
人之見豈侗俗所知哉社稷之臣山川之神主也亡  
故而伐之且猶不可况易之乎先王盛時諸父諸舅  
星分棋布於神州之內源源而來接之以禮是故秉  
旄奉幣夾輔尊獎不啻子弟之衛父兄手足之捍頭  
目者惟是周旋揖巽豈不休哉因著其有傳者為國  
名記庶幾來者尚或知其彷彿焉

### 太昊後風姓國

風

上世貳國于風而為姓故帝之後有風后

佐黃帝威堯誅大風禹訪風后皆其祚云

大風若大地當汭水

元和郡縣圖志云復

州竟陵縣城本古風

城古之風國即伏羲風姓也南臨汭水滋

水也武德中置汭川縣隸沔顯德五年隸

安本魏之汭

### 成紀

今天水治漢屬大水東漢屬漢陽唐屬秦

州州元治上邽而成紀本治小抗州開元

二十二年地震州自上邽徙治治之敬視



川縣亦移入新城天寶元年州還治上邽  
廣記云包羲於此生

包

帝之潛邦夏復封之為姒姓

杜預世族譜有庖國云夏

同姓王符云夏封伏羲之後

地在襄陽漢之平樂也有

包羲陵

見水經

及庖水焉東北入泂亦作

郟庖泡

說文泡出山陽平樂東北入泗音

處

郟之東一亭有致密鄉記為古密或者其

處邪昔處不齊世咸作密亦作宓故處子

賤碑以為處羲之後音為伏謂傳誤作密

黃帝後自有宓

陳

今陳治宛丘攷古字只作陣隸繆為陳

車列

古無作陣  
惟見昌比  
春秋

宮傍所以為陣轉為平聲古無從東陳後世傳家繆車為東隸遂為東世不之知反以陳為正陣為俗今難頓革姑定為陳傳亦或用陣出說文石經及孝經車石碑傳云太昊之虛許氏謂從木申聲亦妄

任

伯爵本已姓帝魁母家逮黃帝以封幼子

周之繼絕也以居風姓今濟陽之任城

水經

注云亢父故城西夏后氏之任國也亢父即今任城唐隸兗州

或曰仍也

故晉志以仍與有仍為二

密

男爵

非密侯者

今高密有密鄉本密水名漢高

密國隨高密郡唐為密州春秋之萊夷維

以說文為  
妄誰不妄  
者



邑也預云淳于東北密鄉淳于後齊廢入高密

宿

男爵周武王封宋人遷之隱公元年及宋人盟于宿莊十年宋人遷宿不云宿遷于其亡之也

杜預云東平亡鹽有故

宿城亡鹽城在今鄆之須城東三十六里

隨宿城縣也秦置須昌在須句城北開皇十六年改曰宿城於宿城西

北三十二里別置須昌

鄆

一曰伯今之須城秦須昌後唐以諱改即須句按太康

地記有東西二鄆西鄆魯公所居今濟之

鄆城鄆與魯境舊云莒附庸以昭元年傳言季武子伐莒取鄆誤之經二十五年齊人取鄆而居昭公不附

東鄆即此文公十二年城鄆與成公九年楚人入鄆在今沂州沂水有員亭即鄆亭城寰宇以此為莒魯所爭亦非

須句

子爵成風國邾伐而魯取之詳紀中或云魯私屬皆非

經書伐威傳曰一作胸羊公地志胸城在壽

昌西北今須城西北須胸故城者京相璠

云須胸一國二城兩名非也蓋鄆歸須城

而胸猶是故所

子爵沂之費縣西北二旅有顓臾故城寰宇

顓臾

記沂水西北八十里今在費縣西故漢顓臾縣開皇十八年以南武

陽為顓臾正觀元年省入費



巴

海內南經有巴國所謂巴賓彭濮者伏羲

後生巴人郭璞云三巴國今巴縣是也恭隸

州秦漢之巴郡本隸渝有古巴城在泯江之北漢水之南蜀將李嚴修古巴城者三巴記云閬白二水東南曲折三回如巴字而名

閬

華陽志巴子後理閬中閬水紆回三面地在其中而名地

形志云閬中居蜀漢之半東道要衝今郡

城即古之閬中城

通

巴之邑郡巴皆子也古者遠國雖大爵不

過子巴東至魚復西連樊道比接漢中南極荆柯皆其界春秋戰國不改

酉

辰

巫武沅

五州皆巴後分王黔中者

今太原有郝鄉太昊弟郝骨氏後一云古

扶風蟄屋鄉也見長安等志集韻音尺帝乙時有子

期因封之曰郝云舒石切又呼各切

傳曰任宿須句顓臾風姓也邑於濟上

寔司大昊與有濟之祀風姓顓臾魯親

之舊也故邾人滅須句成風請封之言

於釐公曰崇明祀保小寡周禮也公聞

之爰復須句惡戲以成風一婦人不出



戶庭猶存繼絕之心豈惟先王之澤哉  
蓋人情所同然者不可易也且伏羲去  
周幾年矣而猶國焉欲世之不厚不可  
得矣此其可知者也

襄公十三年左氏傳邾人滅須句須句  
子來奔十四年當僖公二十二年經書  
公伐邾取須句傳云反其君焉至文公  
七年當襄王之三十二年再書伐邾取  
須句傳乃以為真文公子劉氏權衡以  
為皆無其事謂其君來奔與反其君皆  
義事當褒真文公子封叛臣當貶而皆  
不書夫使邾不滅須句魯無緣取之取  
之而不復後無緣再伐邾取須句蓋邾  
嘗滅須句而邑之故魯取之取之矣而  
後復之故至是而再取書再取則知嘗  
復邾須句矣不然何得二十年而後再

### 炎帝後姜姓國

伊  
蓋亦上世所國今洛之伊陽縣有伊水堯  
之母家伊侯國

### 耆

侯爵自伊徙耆爰曰伊耆猶陶唐一曰阬

黎也故大傳作西伯戡耆史記言文王伐  
阬

### 厲列賴

帝之潛邦一曰列是曰列山亦曰麗山卽



厲山黎見商後國九域志今隨縣之北厲

鄉賴鄉也有厲山在隨縣北百里神農是

生郡國志云厲山神農所生荆州圖經云永陽縣西北有厲山神農所生處春

秋之厲國僖十五年齊伐厲通為賴然厲賴異周見

世國

姜 扶風美陽有姜氏城南有姜水

封 封鉅國黃帝封之是為封胡通典云封丘

古封國也今隸開封有封父亭封丘臺即

封父國魯國都記衛之延鄉高祖以為封丘封翟母

逢龐 伯爵伯陵之國黃帝所封夏有逢蒙一作逢

龐 穆天子傳逢公其後也地今開封蓬池

一曰逢澤縣東北十四里九域志逢陂忌澤汲冢紀年梁惠王發逢忌之

藪以賜民者字當音龐史音史秦孝公使公子少官會諸侯於蓬澤天寶初載更名

福源

北齊 內傳齊之先有逢伯陵蓋伯陵前封逢後

改於齊故山海經有北齊之國姜姓是兩

齊云

吳 伯陵之子堯代有及戕即齊地冒淳也一

作朱故傳作朱戕

江水 祝庸之封地今朱提



呂甫

侯爵伯夷之封杜預謂在南陽宛西南陽

今隸鄧宛後周併入南陽而太公乃出東呂呂莒

也博物志曲海城有東呂鄉東呂里太公望所出也寰宇記密之莒縣東百六十

漢曲海城霍邑亦曰呂武德初為呂州十七年廢圖

經以新蔡為古呂國蓋後來之呂近申在

周亦曰甫一作郝上蔡有郝亭

申 伯爵初為侯平王母申姜國楚靈遷之今

信陽軍之方城內也唐申州之南陽漢之

苑縣詩云王命召伯定申伯之宅徹申伯

土田見崧高潛夫謂在南陽苑北序山之下

所謂于邑于序者

謝 伯爵荊州記棘陽東北百里謝城是有謝

水水經出謝城申伯之國黍苗箋云宣棘王使召伯營謝邑以定申伯之國

陽城在唐之湖陽西北

汲 太公居今汲郡治汲縣有古汲城在故新

鄉東北四十八里有太公泉及廟水經一云故居

齊 侯爵伯陵氏之故國以天齊淵名呂尚復

封都營丘今青之臨菑也然營丘故城乃

在濰之昌樂故萊侯與太公爭營丘齊地記丘

下周三百步高九丈後胡公徙薄姑地志北廂下降一丈五尺

各

國名

八



謂尚封薄姑非詳古國中

許男爵太叔之封鄭滅之定六年王符云潁川

許縣魏文曰許昌周靖帝始為州今治長社一

作鄆說文作邗

焦許靈公徙葉成十三年楚平立還葉至悼公遷城父

今都曰焦夷昭九年遷于夷者典畧作譙夷春秋時為陳

邑楚併之襄王十五年楚伐陳取焦夷魏為譙郡後周

為亳州今亳治譙縣有古焦城譙焦一也

寰宇記古譙城下邑城北三十一里

析地自白羽昭十年今鄧之內鄉也鄭樵以為

浙川本南陽析縣二名見魯僖廿五年傳斯遽遷容城今華

容

內傳齊之先有逢伯陵而伯益書炎帝

生器器生伯陵故周語謂天龜之分我

之皇妣太姜之姪伯陵之後逢公之所

憑神伯陵太姜之祖逢公伯陵之後為

商侯伯封於齊地而伯益書更有北齊

之國姜姓是知伯陵姜姓炎後前封于

齊而太公其繼焉者也昔者帝嚳取于



有駘氏曰姜嫄生后稷而后稷之封亦曰駘說者咸謂帝堯以其母國封之然及秦王復取于有駘氏曰秦姜是姜姓之駘至周猶在豈得云以是而封稷哉乃不知稷封之駘在於武功而姜姓之駘在於琅邪固不同也前事之缺失可勝悼哉

艾

隱公盟處

六年

今牟縣東南有艾山

齊魯之境或曰

艾陵九域志艾山在下邳

杜預疑為臨沂東有艾亭

隰

犁也一曰犁丘預謂濟南隰陰縣或云隰

邨在懷西南懷貞觀入武陟

西有古懷城

柯

齊邑柯澤在鄆之東阿

莊公會齊侯處東阿故城在須城東

與鄭

成公十七年柯陵鄭地

衛之柯異

襄公十九年豹會處杜云

東北故柯城內黃今隸大名

丙

邾也宋之下邑晉大夫所封古邾炎國

穆王

北入于邾乃鄭邑祊也

高

高氏

故高城在齊之禹城漢故縣

棠

大夫棠公邑襄六年晏弱圍棠預云國也

今萊之卽墨有棠鄉與魯棠異

隱公矢魚處乃單唐



之魚  
臺

檀

武王時有檀伯達輿地志瑕丘檀城古灌

檀也瑕丘今隸兗有檀鄉輿地廣記或作壇

若

魯賢若士出于此漢河間王妻若齊地與蜀若苗意封

吳興之若異吳興記長城下有若下美酒曰上若下若

井

周有井伯廣韻云子牙後穆天子臣井利或云虞

公族非字書作邢誤正邢字

劇

齊附庸今留川劇縣

廩

齊邑乃齊宋戰處僖公十八年

崔

丁公子采預云濟南東朝陽西北有崔氏

城

盧

姜姓後封韻今齊之盧城漢縣隸濟北有盧

水

章

鄆東平亡鹽東北有章城古章國齊人降

之莊公三十年劉賈依公羊穀梁為紀遺邑預

非之云附庸如邾鄆是也

高堂

風俗通云高後采

閭丘

本屬莒後歸邾襄公二十一年邾預云庶其以閭丘來奔

南陽縣北有顯閭亭

廩丘

世本齊大夫廩丘子邑今濟之鄆城北有

各史

國名紀甲

十一



廩丘故城漢廩丘縣屬東郡

晉隸濮隋併入鄆襄公二

十六年傳齊烏餘以廩丘奔晉故城在濮之雷澤北

梁丘

齊宋遇處

莊公三十二年穀梁謂曹邾之間去齊

八百預云昌邑西南梁丘鄉今武成有梁

丘山

隸單昌邑今在濟之金鄉

虞丘

世本又有梁丘虞丘皆齊采邑

移

風俗通齊公子雝采於移後為氏

後漢移良

### 右齊之分

神農之為世謖甄四海紀地形經土分

域以與賢者共理之其所以為制也近

者地廣而遠彌小負海之邦多十里與

二十里以大用小猶幹役指繇中下外

若居高屋而建瓴水焉其制可謂得矣

然攷其壘理遠國廣陜纔俯後世一附

庸爾斯萬國之制也

十里一成外大夫

楊之類亦可謂國渾城特奏置河東縣

廣輪才一十有四里若今海洲堵嶼十

里二十里亦有至宰雖然神農之國彌

近彌大彌遠彌小而唐虞之制則近小  
而遠大甸服之外親賢所建百里之內



臆說

為采二百里之內任邦而餘三百悉封諸侯必先小而後大神農之使大國處內則近大常稟京師之制而遠小自微雄大之陵唐虞必使小國居內則小國易獲神都之蔽而日圻亦蔑彊摯之迫唐虞神農豈故為是擾擾殊哉晉志五百里侯服百里采二百里任三百里侯任即男也故有任氏為有男古今有異時亡異勢勢或變易而存亡安危之幾或不在乎此惟彊大之處內則尾大之憂自去而上常惕彊大處外則僭擬之心易釁而上常怠神農之制故可謂兩盡矣而況於德處者乎抑又求之先王之法亦固有微權其間而非為是固也周之五服男列侯外而晉鄭宋衛棋布近甸萊牟耿弦星分遠服固非小必近而大必遠也然則神農之國亦豈必近大而遠小哉大封建之君於此必有擇矣

氏人

山經云炎帝孫靈恣生氏人為氏國

俗作互非

各史

國名紀

十三



狄歷

後為勅勒通典鐵勒自西海東據山谷不絕骨僕同羅韋訖拔野古都波覆羅並號俟斤

膚咎

杜例云赤狄別種

皐落

杜例赤狄別種盟會圖疏云在潞州今絳之垣縣西北六十故皐落城是世曰倚薄乞姓羗也今文鳳二竟白馬氏者居仇池曰氏侯今興武成階四州地蓋岐隴而南漢川以西皆氏云

楊拒

泉皐 伊落 陸渾 九州之戎

僖公十一年有楊拒泉皐伊維之戎二十二年有陸渾九州之戎陸渾河南屬縣楊拒不見而泉乃洛陽西南之泉亭伊維之間則洛陽縣西南之故戎城皆姜戎也三在晉南鄙秦晉誘致而城于此或以為允姓戎者非

赤狄

隗姓赤狄潞氏皆隗姓故上黨地杜云有赤沙城今洛州

地鄭樵地名

露

參盧之封茶陵露水鄉有露水山予訪炎陵稽其始封字亦作潞蓋商周間衍于河



東北爾

路

參盧後春秋之潞子都曲梁

即雞澤洛州雞澤縣

置潞州

建德七年

今之潞城漢故縣亦作路有

潞水

并之

潞子廟

隗氏

山海經有員神隗氏春秋隗氏之地

僖二十四

年齊邑昔鮑子及潞者

哀公八年

一云土軍縣

潞

今有地曰露漢之東露而幽之潞縣亦有

潞水

即潞河露河也

知後代之承襲猶殷商楚郢

所至以為名也

甲氏

潞氏屬晉滅之

宣公十五年荀林父滅赤

氏及留吁皆潞之屬杜云上黨又潞城縣東有古城潞氏之國也

留吁

潞氏屬

亦滅于晉

屯留故城南即故留吁國也

與潞俱附中國

水經第十卷一名戎屯與潞俱附中國

為赤

部胡

索隱春秋地名云潞氏今日赤部胡

舟

禿姓亦有舟人明為國也古罍有舟姜敦

博古圖讀為周寡矣按楚有息舟

昭十三年傳

齊地亦有舟道

哀公二十二年傳

駘

后稷母有駘氏後秦王復取于駘

盟會圖疏云部

炎帝之後周弃外家

魯東鄙地今沂之費縣南故駘

亭是地接齊邾亦作台故越使魯還邾田



封境至於駘上

哀十七年

莒人伐我圍台

襄十一年

伐我東鄙圍台季孫宿救台遂入鄆

洎哀公時齊亂景公子

荼遷于駘則入齊矣非武功之駘

淳

是為淳于故城在高密之安丘東北故淳

于縣屬北海酈元云本夏之斟灌國武王

以封淳于公杞併之遂遷江南預云華容

今監利也

戲

驪山之北水名今新豐有戲亭

郡縣圖志昭應東北

三十有古戲亭皇甫謐云新豐東二十韋昭云有戲山

幽王死焉

章邯

入關至戲蘇林或云幽褒戲此而名妄也

兩京道里記等 正音希

怡

一曰默怡今營之柳城亦作台即墨台禹

師墨如或云墨台

孤竹

今平之盧龍東有古孤竹城小白之所至

地道記在肥如南十二里秦之離支縣漢

今支也營州皆其地一作觚

本以孤生之竹可管而名

向

向姜國今河陽西北三十五有向城酈元

云軹南四十五向城

軹故城在濟源地名向上寰宇記在懷之

河內西北二十七

璠預皆以河內軹西有向而無

城疑為蘇田按紀年鄭侯使韓辰歸晉陽



向二月城陽向更名陽為河故十三州志

云軹縣南山西曲有故向城即周之向國

然代以為承之向乃莒邑向城在承縣宣

者今密之莒縣南七十二故向城乃莒邑

非姜國蓋因傳姜不安莒而以為近莒爾

栢公五年州公如曹說者為即淳于輿地

廣記高密夷安城淳于本春秋州國也今

海之東海縣有大小州山本密州王之三

公稱公云寰內侯者非也劉敞云寰內侯

如祭公者蓋胡或云懷之武德非武德漢故河內州

有州氏晉有州綽水經漢有州苞

今拱之考城東北有薄城漢縣屬山陽本

宋地莊十二年盟薄者預云

京兆鄠西南五里有甘亭郡縣志或甘盤

之國啓扈戰于此馬融云甘鄠之南郊穎

達云啓西行甘當在戶

侯爵姜姓輿地廣記紀侯故城在壽光寰

宇記紀城故紀侯國姜姓又濰之昌樂西六

十有劇城內有紀臺高九尺紀侯所築蓋

後遷于此世紀云周文妃國姜姓非也栢王后

季姜也孫逖送紀參軍序云周

薄

甘

紀

東

隨

隨

隨

隨

隨



之後季良為大賢送倩公序而世以為姬姓詳

周後國

鄆

紀要邑後為齊附莊公三年紀季納之齊預云故穀

城西有地曰雋下濟北續述征記安平有鄆

亭安平齊廢今隸臨菑記云齊國東安平乃菑川國故穀城

在鄆今東阿東

紀鄆

杜例贛榆東北有紀城此紀鄆也唐併入東海

今懷仁東北七十五有紀鄆城並海州莒子所奔近

海州一里餘莊公之三十年齊人降鄆高赤俱

云紀邑在密然時紀亡二十年矣故啖子

攻之

黑齒

姜姓山海經黑齒之國帝俊生其中宜梁

竟

阪泉

姜姓其後蚩尤彊霸周書云阪泉氏用兵

無已而亡僖二十五年傳云此黃帝戰阪泉之北指蚩尤今懷戎

涿鹿城東一里阪泉是

小顛

參盧命蚩尤宇此今安邑有蚩尤城宜是

春秋之世亡非亂春秋之法不亂 魯

宣公十五年書晉師滅赤狄潞氏以潞



子嬰兒歸明年書晉人滅赤狄甲氏及  
留吁曰師曰人晉固罪矣然在春秋戎  
狄舉號君臣同辭固未得以名氏爵號  
書也今書其國又書其氏又列其名爵  
又別其種族經之文始異於是若三傳  
說爲賢之者其果然也邪潞氏甲氏蓋  
亦先王之世漸流于狄而非狄之出也  
既有爵邑有名號則其爲書固不得而  
略矣 伐國者討其罪人斯已矣潞子  
之夫人晉景公之姊也據傳之說豐舒  
爲政殺之則豐舒者罪矣晉之致伐則  
執豐舒僂之立黎侯安潞子紀其政而  
還則諸戎至矣而顧滅其國執其君哉  
踵是以降伐唐咎如敗狄于交剛于太  
原一皆晉人有以見晉之不能仁義禦  
于爲奪易絕人之世也 神農之兆在  
於茶陵而潞水之鄉潞水之山若諸露  
之名遍於茶陵攸邑潭衡之境益以是  
知諸露之始有在于此殷周之代衍出  
幽冀上黨之郊爾書其爵土又書其名



氏又別其種族徒以見盛衰之不其常  
重絕先王之世也三五而來未聞有賢  
狄也

黃帝後姬姓國

少典

有熊

帝之開國今鄭之新鄭輿地廣記云古有  
熊國黃帝所都云都非

壽丘

在兗之曲阜東北六里高三丈今仙源廣記

云黃帝所生之地此本史記  
孝宗隱皇帝南謚說在魯東門外

陳

今鳳翔寶雞故陳倉有陳山非宛丘詳紀

注

昌

昌意後

若水

昌意國今越巂之臺登盟會圖疏以為都  
故世本云允姓國昌意降居為侯非也詳高

陽紀

安息

安之後

党項

悃之後

江水

玄囂國若之下流泝水也今蜀州

卞

卞明國湯代有卞隨或云卽弁以說文字

各史

國名紀

二十一



林大小篆無卞非也。卞和卞莊子自為姓尚書率循太卞與弁

不今泗水縣有卞故城漢屬魯國。季武子以自封

姜氏會齊侯處

蠻人

龍苗之裔今湖南北桂林等處皆是辰澧

沅湘之間尤盛

清

少昊父封詳見後

張

揮之封然黃帝臣自有張若故河東解有

張陽城漢之東張今邢之任縣是。通典云漢張縣

地紀年齊師逐鄭太子齒奔城張陽南鄭

是也。

采

紀姓夷彭子故左人地今中山之北平王

符以采任姓非

北狄

始均之裔

資

陳留風俗傳云資姓黃帝後姓纂云益州

資中今資州資陽有資川江然古資陽城

在簡之陽安而祁之无極有資潭之益陽

有資水出縣北流入資口即益水酈云即資水之殊目武岡又有資水出唐

或其派裔

郟

潜夫論詹資郟翟黃帝後故玉篇云資郟

故國黃帝後封在岐山之陽所謂周原膺



廡者顧伯邨云昌意後止於夏商間  
風俗通虔氏出黃帝與陳留傳同今河東

聞喜虔聚旻集韻酈音蹇非

寇

在鄭有寇水北行唐

屬一作滌本今出靈丘高氏山

莫之任丘西一里有寇水枯瀆陳留傳寇

氏自黃帝出

酈

故南陽酈音尺今內鄉菊潭鎮也字一作

階

翟

北地古翟國後徙西河盟會圖云今慈州

地道記伐衛懿公者賈逵云處北地後為晉所滅此春秋時嵬姓翟炎帝後非此也

詹

周有詹父

莊公十一年傳詹相伯

楚詹尹異

葛

郡國志高陽有葛城今鄭西北有葛鄉城

一名依城漢高陽地然葛鄉故葛城乃在

寧陵北十五郟城北三十周四里去亳城

百里即葛伯國

說汶鄆南陽陰鄉郟城隸許寧國本屬應天今隸拱

應邵杜佑樂史等並云古葛伯國都非羸姓之葛

詳少昊後

髦民

依姓山海經髦民國近積石

狂犬

黃帝後任姓分見潛夫論

鄭

薊也中絕武王復繼之記皆為祝祝堯後

各史

國名紀

二十三



橋

詳後

僑即鄙橋也葬于橋因食其地以世祀者

篇韻鄙國名

皆為九小切非

唐表橋姬後

云周文帝命去

木妄

余披傳記見蠻夷之種多帝者之苗矣

若巴人之出於伏戲玄氏羗九州戎之

出於炎帝諸蠻髦民党項安息之出黃

帝白民防風驩兜三饒之出帝鴻淮夷

允戎鳩蓼羣舒之出少昊昆吾滇濮甌

閩駱越之出高陽東胡僭人暴興吐渾

之出高辛克奴突厥沒鹿無餘之出夏

后曰是固有矣縉雲之子黃帝之孫其

始不肖以至不材幾何而不胥為夷也

遼東存箕子之佃大夏有李陵之苗信

矣然元魏自以出於蒼林慕容自以出

於馱越赫連自以出於伯禹而祿山亦

謂安息出於昌意之子安是果信邪余

常言之夷蠻之醜雖有盛彊苟非先王

之後者皆不足以得志于中國彼之所



傳亦必有所本矣且時聞之春秋用夏  
變夷者夷之夷而進於中國則中國之  
彼以是心至斯受之矣不然則求之四  
夷而從鳳嬉何陋之有

逸論語云子欲居九夷從鳳嬉

### 黃帝之宗

祈

斲也歐陽脩祁公銘以祁為黃帝之子所  
封非也祁少昊後祈黃帝後

酉

即酉陽今黔之彭水漢酉陽也有酉水

滕

今徐之西南十四有故滕城古蕃縣開

皇六年古滕國為名一作勝紀年越王

朱句二十年滅滕是也司馬貞云滕之祖

乃衛之  
下邑

箴

衛有鍼成公六年邵氏姓解作箴皆音針

任

禹陽國倉頡為任大夫晉邑今邢之任縣

苟

戰國有苟變子思薦之能將五百乘程氏

世譜以河內多杞氏焉妄也

釐

僖也齊國釐城為來音簡王十二年舒庸

人道吳圍巢及釐虺



郅

佶是見詩風俗通云殷時侯國一作吉潛

夫論云郅與姑同而字異周封女吉氏于南燕鄧名世以

潛夫為誤非也說文佶為正

僇

與僇同音臄輕也集韻音旋非

依

史伯說十邑有依疇歷莘皆鄆邑後屬鄭

韋昭云國

紀劇

劇是今齊之臨朐東壽光西南故劇城漢

之劇縣紀劇要為二國故寰宇記古紀城

在壽光南又有劇南城云故紀國鄭樵云

紀後遷劇所謂胸劇云紀劇聲訛非也

胥臣曰同姓為兄弟黃帝之子二十五

宗其得姓者十四為姓十二姬紀祈酉

滕箴任苟釐佶僇依蓋皆以國而為氏

秦嘗攷之古之得姓者未有不本乎始

封者也其氏於事者蓋寡矣而姓書氏

譜一每為之曲說至有弃其祖之所自

出又牽異類而屬之豈不悲哉余迷路

史又起國名記而後天下之氏姓始大

定矣且以張王李趙易類是謀謂皆黃



國名紀目 二五  
帝之所賜姓而世莫詳焉。姓書則謂王  
出靈王，李因老子，張趙始周之中世而  
乃不知商有李徵，夏有趙隱，王倪在唐  
堯之代而張若者黃帝之臣，又黃帝子  
揮亦封于張，西廣洞酋，汜今惟此四姓  
爲雄，易傳之言未爲無本，而姓書之不  
足證類蓋若斯，嗟乎萬姓同本而岐其  
枝，百川派別而宗于海，君子之欲求其  
祖之所自出，舍路史國名記何以哉。

滑 濟

右二國箴之分

舜受禪，水土平，伯禹於是邺成五服，至  
于五千，四海會同，爰申錫其土，姓土以  
立其國，姓以立其宗，土姓錫而宗國定  
矣。公侯百里，伯七十里，子男五十里，  
所以立國。雖斷密，雖滕箴，祈酉釐，郅  
僂依，此所以立宗也。國立而後氓人有



所依宗立而後族姓有所繫人有所依  
斯有以君之族有所繫斯有以宗之是  
故公劉遷邠有爲致力朝廷而君之者  
有爲致力宗廟而宗之者本於土姓之  
有所錫也傳曰天子建德因生以賜姓  
胙之土而命之氏胙之土錫土也命之  
氏錫姓也契封之商稷與邰此錫土也  
賜之子與姬此錫姓也方水未平諸侯  
固各有國土百官亦各有族姓矣必九  
州攸同而復錫之者前乎此惟有所不  
普至是而後得以錫之徧爾滑濟二  
國名衆地博有不可而指云

奚

鄭樵云魯奚邑今徐之滕東南六十青丘  
村有奚公墓奚公山陽擘徐州記云仲造  
車轍存焉

薛

侯爵

莊公三十一年伯者降

吉光國今滕東南五十

有故薛城故漢縣戰國屬齊爲徐州秦爲

薛郡有仲祠

後魏書薛縣有奚仲廟

或曰大薛

公孫弘生

山今淄州南四十里



伾

邳也今淮陽治下邳城漢下邳國

未平十五年

梁下邳郡周邳州唐隸泗城三重處泗沂

之會有仲虺祠

寰宇記祠在徐之沛有仲虺城見九域志鄭樵云仲

虺居在薛魯奚仲遷邳後以邳為薛妄

摯

祖已七世孫成封周文王母太任國今蔡

之平輿有摯亭

謝

歐陽修謝絳銘云黃帝後昔周成之以封

申伯在南陽之宛見詩嵩高其地西甚廣

鄭公友言謝西之九州者二千五百家者

也

章

章與謝本皆任姓周始以封太公之支子

舒

鄭箋作柳舒古音

春秋之留舒去穀七里亦曰柳舒故城在

柳通

鄆之須城許氏作邾邾邾之下邑

說文邾在薛縣

集又音涂

洛

周書之有洛氏史伯云北有路洛泉徐蒲

韋昭云皆赤狄宜與此異或作絡

衛賢者絡疑

雒廣漢屬縣

昌

黃臣有昌若宜昌邑其東昌故縣近滹沱

河有昌亭西昌縣春秋昌間多在河東北

薊

縣今范陽治地多薊水經注薊城西北隅



薊丘為名班志云薊故燕國名

非今薊城南北九里

東西十里慕容雋造

終 商有終古宜即終後有終氏

見廣蒼北燕文人終乃

終通今襄陽有終水

泉

洛陽西五十故伊關縣北有泉亭周世狄

居之俗呼前亭

伊拒泉阜是也昭二十二年有前城

卑

宜晉郟邑一曰郟邵

文元年

絳之垣東九十

有郟邵隄卑氏所出

蔡邕胡太傳碑有卑整

非越雋

有卑水

遇

禺也宜即番禺魯襄公救成至遇

年十五魯

邑近成然非必禺

成在泰山鉅平南

王符作卑過

訛

儋

山海經儋人任姓今儋州

周有儋翮

牛黎

經云牛黎之國儋人之子儋今有黎姥山

番禺

賁隅也今青海之屬縣有禺山傳云禺號

南海故予謂此即禺

經文有無腸繼無

之國皆任姓

右一十六國任之分

周人之制內之天子三分外則二後之



君曰公康誥之周公召公畢公三公也。微子之建上公二後之君也。然攷諸經五等之君通稱曰侯亦通謂之公。康王之告羣公與儀禮同稱之公。春秋之稱諸侯與餘經通稱之侯皆兼五等為言。蓋公若侯爵之貴者代故以是為稱。聖人亦因而不之奪。乃若班爵則固自有差矣。非可紊也。春秋列君平居必正其爵。至葬則從其稱。從其稱所以副臣下之尊敬。正其爵所以存王度於不凋也。雖然正其爵矣。而於會盟總稱惟曰諸侯。世族所稱猶曰公子公孫。魯君侯也。卒以公稱。至于盟會亦或侯之。吳楚子也。僭故不葬。然至世族亦稱公子。惟其爵之貴爾。

家國之稱抑又不一。孟子言干乘之家。而王制縣內之采一皆曰國。周官朝大夫且稱每國。是國亦謂之家。而邑亦或稱國矣。豈非公侯卿佐謹度以事其上。則全於臣制節以御其下。則正於君自臣道言之。雖國亦家。而自君道言則邑亦國邪。采邑曰國。則卿大夫固可謂諸侯矣。所謂內諸侯也。



南燕

伯爵伯儵國后稷妃南燕姑氏也

石癸曰吾聞姑

姓后稷元妃

今滑之胙城東北漢南燕縣隨攻

曰胙

相王二年鄭敗燕師于北制相公二年會燕人說為南燕

亦嘗曰

東燕云

魯莊十九年衛師燕師伐周者史誤以為北燕也

密須

子爵世本云商有密須文王伐之

晉志云商侯國

魯有密須之鼓杜預謂姑姓國在安定陰

密今涇之靈臺也

十道志陰密屬鶉觚故括地象云鶉觚密氏姑

姓今陰密城在涇之保定郡縣志在靈臺西寰宇記古密國地

史索云是

河南密九域志以為鄆之致密城皆非

闕

子爵今鄆之壽張有闕鄉而闕古城在中

都

相十一年製字記云今屬齊之鉅野

闕亭又在須昌東南

即昭公末年取闕者郡國志東平陸有闕亭今壽張也

齊有闕止

高陽時有允格或云少昊後出黃帝

蔡

蕲春江中有蔡山在廣濟縣

高崇文傳有蔡山竇華云

蕲水縣北大龜納錫故曰蔡非姬姓蔡

光

春秋圖有光國今光州

敦

鉏任冷敦之田許地也鄭取之陳留風俗

傳云敦氏姑姓後

偃

晉襄公母偃姑國即周之偃陽國

扶目切詳高陽

後國



燕

伯爵宜為東燕與南燕比

昭三年北燕伯款亦姑姓

魯

汝之魯山縣非交地

離

伯爵汴之離丘鄭莊夫人離姑國姓纂云

宋之離氏本姑姓寰宇記離氏黃帝後姑

姓是矣又與之堂陽東北三十六亦有離

氏城寰宇之高埵城本於隴切自漢州名

人姓皆於用切談苑云當作平聲

昭十四年傳晉

尸離子杜云陽翟東北有離氏城者非

斷

晉地有斷道即卷楚也世本作段寫誤

密

河南密縣東四十故密城是武德三為密

州與須城比故說者謂即密須蓋亦號密

須云史索云密須今河南密縣與安定姬姓密別

雖

開封長垣近須城是衛今在澶之衛南二

十八里衛詩所謂思須與曹者繇聲轉也

右一十四國黃帝後結姓分

結本姓今多用從女

字黃帝之子二十五人為姓十二姬釐

俱帝而任結二姓為此二十九國其它

子姓固稱是也禮傳曰舜即位封黃帝

之子孫十有九人為侯伯蓋不得攷矣



後有見者當併綴之

路史國名記 卷甲

路史國名記 卷乙

宋廬陵羅 泌纂

男 莘註

明廣陵喬可傳校

帝鴻後釐姓國

白民 山海經云銷姓國而汲冢書言白民之國

今之白州 亦見博物志 孔臯以為東南夷與白

州接

防風 釐姓守封禺之間二山在今湖之武康 吳興

記云吳興西有風渚山一曰風山有風公廟古防風國也下有風渚今在武康東十



說文封嶧山八里天寶改曰防風山禹山在其東二百步說文作嶧寰宇記云以禁樵采曰封山  
尚汪芒之國山東南二十里有嶧山禹十二代孫帝寓所居皆妄今錢塘之金鷲山郡國志云防風氏封此山下有風渚然謂古鄭瞞國者又繆

汪芷

即汪罔說苑云汪芷釐姓說文云封嶧山

在吳楚間汪芒之國歷代故以為防風也

縉雲

今處州縉雲郡有縉雲山是為縉雲堂縉

雲氏之虛也永初山川記永寧縣有縉雲

堂是矣舊經圖記皆以為黃帝之號黃帝

之蹤失之

驩

以嬖臣狐攻專權亡國荀卿云堯伐之今弘農有

地名驩志為驩地之都然意驩為國當如

魯譙未必驩地其後竄之崇山則今澧之

慈利也有驩墓然嶺外驩州圖經記以

為其竄所樂史亦記驩州為所放處則去

崇山遠矣驩隨為州是為驩朱國山海經云國人

似仙人面鳥喙捕魚海島郭氏謂堯臣有罪放南海死帝矜之使其子居南海祠之而神異經言驩民鳥足仗翼而行食魚不畏風雨有所觸死乃已居南荒中尤異

崇山

在慈利詳上潞之涉東南亦有崇山非也

驩朱

今驩州詳上

三苗

周景式云柴桑彭澤之間古三苗國左洞



庭右彭蠡負固而亡者今衡岳潭之境而

南海亦有三苗國山海經三苗國在西北赤水之東南南海三苗之

國記云禹伐有苗其餘裔叛以入南海外國圖云去九疑三萬三千里神異經云苗

神異經何足據  
民人形而腋翼不能飛為人  
饕餮淫佚而無度居西北荒

三危 今戎虜瓜沙等州是其處有三峯山俗曰

升雨山在焯皇南三十里地道記云鳥鼠

同穴西有三危山三苗所處是也

重艱 穆天子觴重艱氏地在長琰近黑水其先

三苗

卷 今河關西南皆危地濱于賜支至于河首

縣地千里

大人 見西北經釐姓

久遠之事謂人似狗蓋有知之者矣四

兕之姦曰侏侏曰窮奇曰檮杌饕餮而

已侏侏併張之譬窮奇離奇之謂檮杌

檮杌之稱饕餮貪叨之號爾而言者率

過實傳曰投之四裔以禦禱祿又曰堯

竄之以變四夷計四兕之在堯朝則為

兕族蓋有今之君子所不及者不然則



亦安能禦禍祿變四夷哉我之下駟當  
彼上駟然則四夷之視中國豈不甚相  
遼邪先王於此蓋有以處之矣此氏兔  
戎蠻與夫白民驩龜防風三苗髦民狂  
犬鮮卑安息等之所以不去於國名記  
者豈惟先王之族哉亦欲世人知生華  
之爲幸而不自弃於禽物之歸而已雖  
然山海經言驩龜苗民至有甚異而東  
方生神異經更以佹侏窮竒檣杌饕餮  
爲之四獸人之于獸遠矣然檣杌之饕  
餮之不巳則去華而夷化人而禽不希  
矣離仁義人雖名固二足無毛爾是以  
君子惡居下流人之爲人豈惟衣食飽  
煖而已哉

少昊青陽氏後

清

帝德攷云少昊曰清清地也一曰青陽春  
秋圖清有二預謂滎陽中牟西青陽亭是  
中牟今隸開封然攷清地非一一在鄆  
漢封宮中同者或謂少昊國

衛地今鄆之  
東阿東北西



十有清亭。隱公四年遇于清者。哀一在濮。

十一年杜云亭在濟北盧縣東。一在濮。

臨濮西二十五。乃宣十二年。晉宋盟清丘。

者。其丘高丈。又昭十一年。一清丘魯地。

一在并解。本曰清源。在解之聞喜。今在安。

及清者。而并又有青。一作故樂平。成十七。

原亦狄伐晉之路。清者。待命于。清者。

### 雲陽

今茶陵有雲陽山。有青陽氏墳。蓋卽青陽。

### 青陽

今潭之長沙。昔荆獻青陽。以西于秦者。

然貝之青陽。漢之舊縣。故城在今縣東三。

十五。貝今之恩。而清陽熙寧四省入清河。

而歐公于役志。辛亥次青陽。乃宿泗間。蓋

子孫之散處者。若池之青陽。則特在青山。

之陽爾。天聖元年置

宜在梁雝之域。詳紀說咸以爲魯。詳前蓋

以傳謂伯禽之封。爲少昊之虛。或其後所

徙。非始國窮桑也。

### 交

今交之仙源輿地廣記云。少昊之裔。

凡人。有子八歲。教讓十三。出之。俾就外

傳。居宿于外。誠欲以尊德性。而廣見聞。

老幼當之 第一務



歷艱難而知疾苦也國君有子獨不知

誨之乎太子者天下之本也其善者非

它在於早教諭而習人事爾子曰吾少

也賤故多能鄙事夫世固未有不先賤

而多能者昔文王之卦乾父西北坤母

西南中男近父中女近母少女介乎父

母之間而長男獨遠居乎父母之外遠

乎父母惟以成其德多其能也是故一

鼃出震向明取離而天下治矣雒陽年

少蓋知其一而未悉其二也彼知自古

聖君少庸君多故亂日長而治日短者

在於人主教諭之不早而不知鼃夕聞

闡耳目之所接者盡富貴無非陷溺其

良心正性者也而能保其終不流乎風

雪之中有奈草蔭覆之下無美樅舟腹

之垣豈固少經綸之材邪佚則生疾安

則忘患是故洪舒蒲假從欲敗度而無

不至夏之癸商之受周之幽厲秦之一

世與夫漢栢靈晉惠懷東昏叔寶若夫

後代之弃迷菽麥惑屯毛繆豬驢而疑



鹿馬者皆是物也舜居深山之中與木石俱與鹿豕游及其得位則垂拱無爲而天下治晉公子十九年在外險阻備嘗而楚君華路藍縷以起草莽俱霸諸侯夏之仲康少康商之般庚祖甲漢高祖唐太宗與夫文帝光武之所以能恢復境土致太平者咸繇長於民間知人疾苦而已矣德慧以疾疢存聖賢繇忍性達是故愛子不可存之膝下孟侯元子生于深宮之中長於婦人之手暑至

於溫寒至於涼而已未嘗知憂未嘗知懼何自而知稼穡之艱難哉畀以天下是何異於俾蟾執鼠鼈捕蝥其不失之者無矣子繹路史見伏羲之出於庖神農之出於耆黃帝之出於熊少昊之出於清與夫高陽之出若水帝嚳之出高辛俱自遠方以陟帝旋致昭泰然後知古之有道之君未有不養成於潛者易曰潛龍勿用陽在下也或躍在淵自試也飛龍在天上治也滄淵者神農養神



之所而潛邸者聖人養德之地也可不務哉

申  
坤  
乾

天之道自北而南

坤  
中  
男

坎  
中  
北

人之道自西而東

少昊後國

倍

倍伐倍宜國

緡

緡姓夏滅之山陽東緡

漢縣陳留風俗傳云東緡故陽武戶

潘隱志作倍

今濟之金鄉有古緡城鄒衍云予登緡城以望宋都后緡國也

倍二十齊二十六  
鄉故邑昌賈逵以緡為有仍之姓妄

蔑

一曰姑蔑

姑引語猶于越

今兗之瑕丘有姑蔑故

城

預在邾縣

邾魯盟處

隱元年或云魯附庸嬴姓

尹

般之封今汾州鄭樵說故尹地及周為尹

氏采

有吉甫墓

王符云慶姓蓋亦作允

允格



汾

駘封汾川以處太原絳州正平之汾水也

故曲沃有駘神

通典絳州曲沃有臺駘神元和志臺駘祠在曲沃西

南三十里

臺

臺駘宜以國名或即汾川一曰臺駘障

九域

志祠障並太原

沈

故國在汾川晉滅之

沈約說成八年无之當是文三年沈潰者

然恐其與汝南之沈別約自序失之

妘

鄧名世云妘乃國名非姓也

姓氏辨誤

蓐

辱鄔也所謂郊鄔俱在河南有鄔山後蓋

為蓐收國風俗通姓纂云蓐收後未然

郟

子爵舊都本商密秦楚界上小國

商密楚地在商

之丹水水經云南鄉丹水縣西密陽鄉

世本云允姓國秦入

之

文五年

後遷南郡

預之說按晉志云南郡都縣都子國輿地廣記

云楚附庸楚滅之

今襄之宜城西南有都亭山上

有城險固都鄉都水

鄉居水仄貞觀嘗為都州通典皆作都故

諸地書多以爲昌意所封失之

戎州

允姓古戎州已氏之邑今拱之楚丘已氏

城漢隨之已氏縣

詳紀



少昊後偃姓國

阜 陶之封杜云偃姓當與咎同商有咎單讀為舊非。

偃 偃郟也光武曰郟最大宛次之楚昭陽伐魏取郟者今許之郟城有故城而蔡之褒信故郟城乃漢之偃。僖元年有偃云郟地盟會圖疏云偃城在

豫州泛言之

州 今荆南監利故華容古州也昔隨絞州蓼

伐楚敗郟者皆近楚小國外紀以為美姓州誤莊辛

言州侯者非淳于之州預云華容縣東南地然謂淳于杞併

州遷于此而名則非

絞 佼也楚伐取之相十二年邾邑有絞在隋唐之

南漢有佼強或云原伯佼後傳云佼小而輕是國也相

八又曰日虞四邑相顛倒如此

貳 在隨州南昔屈瑕將盟貳較者

軫 在氏傳記軫國在楚東南鄭樵三國未詳

姓苑黃帝造車軫後賜氏妄

謠 見潛夫論邳郟傳有繇延音遙歐陽欵舉督郵繇延

宜謠之訛臯繇名也



皖

伯爵漢為侯

論衡云廬江故皖侯國續漢志云廬江自舒徙屈皖舒

之懷寧有皖故城皖公山

諸葛恪所屯

皖伯廟

九域志宋州郡志云晉安於舊皖城置懷

寧

為晉熙郡治方輿記舊皖城武德五年王弘讓析置在古逢龍城內魏書滅霸

討難當逆戰逢龍即此史云夏姓非地記

居皖水之北因號皖城

佑作皖音患同

參

會

阮

文王侵阮是矣或云周中葉阮鄉侯晉伐

秦圍祁新城蓋與元同年文四而切為願晚

故說同阮然代之五阮關乃音通而地異

也祁新城如言宋彭城爾說以祁為秦邑

別

棐

鄭地文公會鄭伯處

十三年

說即棐林

宣元年襄

三十一年今開封宛陵有棐林林鄉一作棐

音肥在魏郡宜誤

舒

僖三年徐人取舒杜云廬江舒縣今廬之

舒城也一作郟羣舒子爵

文十二年羣舒畔楚夏子孔執

舒子

止

今首陽北故曰止陽

各史

國名記

一一



舒庸

楚滅之

成十七年

在舒城輿庸別寰宇記舒庸

城與舒鳩城相似預云東夷國繆

舒鳩

楚滅之

襄二十五年

定公時吳子使舒鳩民誘

楚

民或作氏預云楚屬國

故城在舒城內

寰宇記

離城

襄二荒浦二十鳩茲皆其地

舒蓼

鄆也

集韻一作鄆字當作鄆

楚滅之

宣四年

武德四為

蓼州

領霍丘七年廢入壽

盟會圖云在光州杜以為

二國既非而通典更以為湖陽湖陽乃廖

因預之繆

預云棘陽東南湖陽城是漢志從之

舒龍

預云六西南有舒城又西南有龍舒今舒

城西有龍舒故城去州三百而舒城懷寧

皆有龍舒鄉大小龍山曰龍以別羣舒然

境以龍稱水城在龍舒水西南中有池深

仞無耗

舒鮑

世本云小國寰宇記舒鮑城在舒城西北

龍舒水南小於諸城

晉悼公大夫舒鮑無終

舒龔

交之龔丘東南二十有古龔丘城然與羣

舒遠宜別國

鬲

郡國縣道記古鬲國鄆姓臯陶後漢為縣

齊天保七併入安德今隸德州西北有故



鬲城

鄆

今南陽屬縣

右二十二國偃姓

孔子作春秋凡并國邑在內皆曰取

四取國邑十四直書取小國限牟鄆

者本其附屬如伐邾取須句是也

公孫憚父伐邾取鐸雖內臣亦曰取外

而書取必其以計若本有者也

宋伐鄭取長葛鄭伯取戴必其元屬者

齊人取子糾魯為郕取鼎皆元有者也

○僖三十一取濟西田以賂齊故書齊取

取之宣四年濟西田以賂齊故書齊取

十年而歸于我如昭元春秋取鄆田秋疆

鄆田見非我者十五年齊因公出取鄆

以居公故書齊侯善之也哀八年夏齊

取謹及闡冬歸之定十歸鄆謹龜陰田

此皆計徐人取舒何也

三僖舒昔屬徐今

取者屬魯而徐人取之也外取內邑不繫國



江淮雜夷而徐取之爲夷蠻之自相并  
此尤繆矣預例以爲勝國不用大師曰  
取用大師曰威抑又大妄夫成國重於  
附庸附庸重於都邑春秋必謹于此惟  
其罪有輕重淺深也今顧不然而反爲  
不道者記師行之難易邪衛侯威邢可  
謂易矣而不書取公以楚師伐齊取穀  
用大師矣而不書威不爲難易書亦明  
矣蘇轍以徐稱  
人爲美尤疎雖然秦趙宮李黃徐邕  
費解梁諸國其後盛矣而臧文仲以爲  
臯陶不祀此左氏之妄志 謹裴參會  
阮酈舒止皆偃姓也而王符以爲優優  
姓商出於潛夫之矣攷且以舒庸舒龍  
舒鮑舒龔與舒五也而佑以爲楚之五  
舒爲一唐史遂謂羣舒一國五名勞乎  
今之記哉

少昊後嬴姓國

六

中甄國壽之安豐南有故六城漢縣九江

王都

元狩二爲六安國治六而以蓼爲屬  
東漢並屬廬江晉省入安豐寰宇記



秦漢之廣濟為  
有臯陶冢在舒城東南六十  
陂中

英  
楚與國魯僖十七年齊徐伐英氏者漢為  
黥布國

羸  
錄也翳能鯀物而封漢縣隸泰山後魏復  
置於萊蕪唐入博城所謂羸博今兗之萊

蕪本齊邑公會齊侯處

盈  
羸之枝作維云熊盈以畧者與熊郟皆為

費  
周公所劾一作鄧姓也或云即羸者非  
翳之封音沸費仲費昌國費州費水之地

與魯費河南費與河南滑費禹後扶未切魯之費音祕各見

蕭  
孟虧封徐之蕭漢故縣屬沛北征記云城  
週十四里南臨污水

非  
蜚也蜚廉國龍門縣南七里有蜚廉故城  
非子祖也又絳之正平蜚廉城云事紂所

居

趙  
晉之趙城南三十五故趙城造父封史注趙城

在河東永安隨義寧二置趙城寰宇記今趙州其地也趙郡

北齊為州

曲沃

各史

國名記

十五

作維云凡所  
征熊及盈族十  
有七國又云三  
叔及殷東徐  
奄及熊及盈以



訾

豸服

邯鄲

趙奢豸服君封今海之永年有豸服岡  
磁之屬縣唐隸洛風俗通云邯鄲氏以國  
為姓

眭

秦

錢禾名隸省為秦非子初封秦亭今隴之

汧原隴西鎮有秦亭秦城

元和郡縣志城在州東南二十

五世本云附庸

然非子初封實秦谷在今秦州隴

城漢隴縣襄公始侯有岐豐地

莊居大

丘

今永興與平漢沈里

文復汧渭

德遷雝

今鳳翔天興

獻遷櫟陽孝徙咸陽

永興

遂世處之伯爵

鍼

繞

徵

梁

成六年晉楚遇于繞角

北徵也今同之澄城

伯爵本少梁夏陽也

伐曲屋者秦德公三年梁伯來朝索隱云

嬴姓是矣秦惠文君更名夏陽今韓城

今同之韓城有少梁

故城

在韓城南二十三文十年晉伐秦取少梁者

好城而亡

僖

九年梁亡今有新里城梁伯所築樂史云在澄城本華氏邑

有梁山

禹治

梁及岐者

梁餘

遼山縣河東圖和順縣晉大夫梁餘子養

秦又作秦

也



邑云云

將良

本曰良今淮陽軍有古良城

預云下邳良城縣哀十五

年良地屬吳

史作將良

運

京相璠云廩丘東八十有運城廩丘隨併

入鄆城今隸濟晉人執季文子還待于鄆

即此

成十六年

掩

即奄郚也奄之仙源故曲阜有奄城奄里

古之弁中

郡國志奄城古奄國茂先云史記出魯弁中

自運遷

掩故史有運掩氏魯近淮夷武王伐之

唐韻

郚國名商奄也祝佗云因商奄之民以命伯禽者按將蒲姑成王政俱云踐奄而周

官言威淮夷大誥言淮夷叛而多士乃言朕來自奄知為夷也襄二十五年弁中預

疑為泰山萊蕪西壅口谷

鍾離

子爵

世本云嬴姓國

徐之別封

上又九域志

今沂之承

有鍾離城乃晉吳會處

成十五年預云淮南縣今屬濠州然

時方謀伐楚豈得會其地預之誤也遂威偃陽偃陽去鍾離城六十應劭云

鍾離子國在九江蓋其後徙于此吳威之

昭二十四年傳吳威巢及鍾離鍾離不書疑

光武為侯國今濠

之治東六里鍾離故城也而宜咎之所城

則楚地矣今漢陽軍

尋

今尋陽字一从水



衙

漢馮翊屬縣今同之白水東北六十彭衙

故城也文二年彭衙杜云郟陽西北有衙城馮翊故城亦在白水東北音

魚如吾穆公子采一音牙或音語誅非

汪

秦邑同之白水有汪城在臨晉東後屬晉

文二年晉伐秦取汪及彭衙索隱云不知處誤

菟裘

盟會圖云交之泗水縣預謂菟裘在梁父

縣南梁父唐入乾封今之奉符也

不羹二

春秋時二不羹襄城西不羹汝之襄城東南古不羹城

在今龍興之南定陵為東不羹今入潁川舞陽鄭

樵以此為西不羹龍興為東不羹楚併之子革云四國皆

足畏謂陳蔡二不羹也昭十一子皙曰三

國賦皆千乘見非小邑

以有斟灌故此為東

東澗

脩魚

卽蕭魚鄭地襄十一年杜闕

樗里

今謂南陽鄉有樗里

密如

預云費縣北有密如亭費隸沂一作娜

高陵

蓋秦昭弟高陵君封今縣屬京兆

裴

豈也河東聞喜豈鄉是

解

洛陽西南大解城也又有小解非河東之

各史

國名記

十一



解昭二十二年周  
軍于解者周地

徐

趙孟曰周有徐奄括地象云泗州徐城縣

北今徐城鎮在泗之臨淮鎮北三十有故

徐城號大徐城周十一里中有偃王廟徐

君墓去徐州僅五百郡國志曰薄薄城本

下邳僮即  
今臨淮

取慮

徐之分漢屬臨淮故下邳西南有取慮故

城在虹北百二十光武以益楚者以取慮

十三州志讀如紫取

邾婁野王音秋間世本云嬴姓蓋非一武王所伐其一也

淮夷

右三十九國皆嬴姓

諸嬴為少昊後不待較矣繇漢而來仕

謂伯翳為伯益而後始有以諸嬴為高

陽之後至有知伯翳為少昊之後者則

不知伯益為高陽之子言氏族者襲偽

躡訛莫知其繆文字滋多大率相給求

其為適不亦難哉予亟矜之是以論其

世也後有識者曷揖損焉



少昊後李姓國

李

徐廣云河內平臯有李城李阪今温縣城是昔李同却秦兵死封其父李侯即其地

史說平原君封

苦

碩宗封今亳之衛真漢苦縣隸淮陽國晉屬梁國後魏為谷陽唐為真源有渦水瀨鄉祠老子生處

萊

段干

蹇叔處干干國也處干而干亡之秦而秦伯非愚於干智于秦也郡國志衛縣南有干城詩出宿于干考今

開封有邗溝

段干木廟

九城志

而墓乃在

汾之孝義東北二十五

孝義乃漢茲氏

右四國李姓

段干李姓邑也初邑段後邑干因邑而氏魏世家有段干子田世家有段干朋而風俗通氏姓注乃以為姓段名干木蓋以呂氏春秋干木光于德與魏都賦干木之德之言誤之唐百官表遂以謂封段而為干木大夫踈矣幽通賦云木



偃息以藩魏干木豈其名哉姓書或更  
以為鄭共叔後抑又妄云

江

晉志汝南安陽江亭也預按在信陽縣之

東南新息之西有安陽故城寰宇記陽安故城江國之地

黃

子爵楚威之信十年光之定成西十二有故

城樂史云黃國故城十三州志云定城置

在古黃子國南十二里小司馬云弋陽其去黃州四百五十先儒亦

疑其相遼不知其異昔黃不事楚曰自郢

及我九百里非齊安亦明矣

耿

伯爵河中龍門縣十二故耿城晉獻公滅

以賜趙夙遂曰趙今晉之趙城閔二年都城

氏國辨誤以為皮氏東南耿鄉

弦

子爵楚所滅信五年杜云弋陽軹縣東南今

光之仙居東十里弦亭也武德三為弦州

軹故城在仙居北四十晉志弦在西陽西陽今光山縣故歐陽志以光山為故弦國

茲二

牟夷以防茲二邑奔魯預云姑幕有茲城

姑幕後齊併入東莞今高密有故城九城志姑

幕城在密然太原亦有茲氏城晉志

各史

國名紀

二二



蒲 晉志云隰之蒲子今隰川縣北四十五故

蒲城晉重耳居 通典云故蒲城縣長安志云蒲城縣同本之蒲城在

縣東三十里 與衛蒲別 衛之蒲在開封長垣東北十里子路所宰

時 博昌有時水春秋之乾時元凱云旱則涸

故曰乾時齊大夫時子

白 蔡之衰信西南白亭是楚平滅以封子建

之子勝曰白公

郟 子爵故東海郟縣唐入下邳無疆云願齊

試兵南陽莒地以聚常郟之境則齊莒之

間也今淮陽軍治有古郟城在東北百五

十沂沭二水間周十餘里有郟子廟 漢志少昊

後外紀與地記云巴姓國 秦為郟郡

後 今後州春秋以來楚地

巴 左氏傳巴師侵鄆今巴瀘二州境宜與太

昊後異

寘 史記作寘云嬴後有白寘氏則以白寘為

一也寘在陝 詳周後國

穀 詳周後國

麋 詳高陽後國

邳 邳子邳夫人國也世族譜云嬴姓傳太叔



會鄖乃衛地哀十二年非邳姬二姓邳

葛 魯附庸齊昭公母葛嬴在河內修武有葛

伯城葛伯墓九域志湯始征者

祁 太原祁縣以祁數名自漢不改其地甚廣

金坡遺事係小國蓋以祁奚邑爾祁奚墓在安邑

譚 子爵齊桓二年滅之魯莊十年今齊之歷城武

德中為譚州東南十里有故城預云濟南東平陸西

南有古譚城竇苹云今齊州東平一作鄭

與邾異齊世家作滅邾故世以譚邾為一而鉉以作譚為非皆誤

右一十八國亦嬴姓

魯宣公十三年齊師伐莒楚子伐宋二

國之興兵皆以晉也晉從晉不事齊疆宋與晉不順楚

大之為虐春秋極矣 方扈之會鄭會

而陳不至故林父伐陳以即楚也楚子

伐鄭以服晉也並宣九年夫為盟主不務德

以聽諸侯之去來而每以力勝豈長久

之道哉 沈服楚晉伐沈江與晉楚圍

江同文三年曾未幾何沈潰文三江威文四雖晉

楚亦未如之何者故君子務修德不修



德而爭諸侯徒自悴爾茲聖人所以皆  
人之歟

莒

紀姓與期二世茲丕始封都計後徙莒

外紀

寰宇

樂毅破齊城莒獨不下隨為莒州今密

之莒縣理厥後徙鹽官故世謂南莒

計

計斤爾樂史云茲與始都今高密東南四

十

箸丘

莒子朱居為渠丘公莒邑也

寰宇

楚子重伐

莒圍渠丘者今莒縣有渠丘故城風俗通

云晉有渠丘公乃莒也

與齊邑異

齊渠丘乃

離廩邑今臨淄西  
北西安故城也

安丘

漢縣隸北海今隸密有安丘亭西南十二

有漢安丘城

寰宇記云  
即渠丘邑

安丘望之

嵇康高  
士傳持

老子  
不仕

無婁

即牟婁也本牟夷國後屬杞今密之諸城

有婁鄉城字書無婁微視也音牟

且于

犁比

林間

凡莒邑皆公稱



右紀姓國

密人不恭，敢拒大邦，侵阮徂共。王赫斯怒，爰整其旅，以遏徂莒，以篤周祜，以對于天下。此詩人所言王治天下弭禍御患，而以膺夫天眷者也。密，密須也。密須之人，旅拒王命，侵逼阮共之二小國。王始以其不道，赫然奮怒，整治師旅，以遏絕其徂莒者，蓋將以除禍亂于下。斯天之所為福也。以篤周祜，以對于天下，斯人之所為悅者。以故孟子援之為說而鄭氏乃以莒阮徂共為之四國，蓋惑於前者四國之說，不惟遠失詩人美王去亂之意，而於詩文亦不亂維此二國其政不獲維此四國爰究爰度此言天之所以興周者也。皇矣上帝，臨下有赫，則監觀而下語可知矣。二國者，密人崇侯也。崇密為虐政，可謂不獲矣。而公乃以為之殷夏，豈其然邪？維此四國爰究爰度，此言天以四方君侯付之周王而究度之，故下又云乃眷西顧，言其卒與周

似本魯詩  
非惑也

是



也何得以是克四國乎按馬遷言文王  
征伐之數甚備孰有所謂徂者顧亦何  
嘗伐阮共哉昔楚人之威江秦伯爲  
之降服出次大夫諫之秦伯曰同盟之  
威雖不能救敢不矜乎吾自懼矣故君  
子曰詩云維此二國其政不獲維此四  
國爰究爰度其秦穆之謂乎文三惟孟  
所言以遏徂莒而今乃云以遏徂旅斯  
則秦之後出于民間定於講師之口  
者爾彼上方言爰整其旅而此遽云徂  
旅其不然昭矣春秋初年紀子莒子爲  
盟于密莒杞密之近也王之伐密于以  
遏其徂莒之師戡亂之禍理必從其亟  
宜莒之爲正云







